

Protocol no. 49
Sezzüda da lündeschdi, 15 favrer 2010, 20.00 – 22.00

Preschaints: Jon Carl Rauch; Chasper Alexander Felix, Marianne Werro-Lehmann, Jachen Andri Schmidt e Rico Zini (protocol)

S-chüsà: Georg Salomon

Protocol

Il protocol no. 47 dals 1. favrer 2010 e'l protocol no. 48 dals 9 favrer 2010 vegnan approvats.

397 620.501.07 Via Sur En
Surdatta lavuors d'indschegner – Sanaziun via Sur En

Il Cussagl cumünal piglia incunter las infuormaziuns dal schef da vias a regard il proget previs e decida da surdar la lavur d'indschegner al büro Jon Andrea Könz SCRL pel predschi da fr. 9'095.-- (excl. IPV). Sco tet da cuosts vain garanti la summa da fr. 10'000.-- (excl. IPV).

398 620.501.08 Salaschada Plaz
Surdatta lavuors d'indschegner – Sanaziun piazza e bügl da Plaz

Il Cussagl cumünal piglia incunter las infuormaziuns dal schef d'aua e vias a regard il proget manzunà aint il titol e decida da surdar la lavur d'indschegner al büro Jon Andrea Könz SCRL pel predschi da fr. 9'535.-- (excl. IPV). Sco tet da cuosts vain garanti la summa da fr. 10'300.-- (excl. IPV). 1/3 da quista surdatta vain debità al conto da la sanaziun dals bügls.

399 710.501.05 Infrastructura Crusch
Surdatta lavuors d'indschegner – Chanalizaziun Crusch

Il Cussagl cumünal piglia incunter las spiegaziuns a regard il proget manzunà aint il titol e decida da surdar la lavur d'indschegner al büro Albert Mayer pel predschi da fr. 18'000.-- (excl. IPV). Quist import vain fixà sco tet da cuosts.

400 800.364 Meglioraziun
Meglioraziun generala

1. Il capo orientescha al Cussagl cumünal chi's haja gnü üna sezzüda culla cumischiun d'ameglioraziun per reglar e metter in net las finanzas. Tenor reglamaint surpiglia il cumün 4 % da las lavurs. Cun trat gio tuot ils aquints ed ils impraists cha'l cumün ha fingià pajà, resta al cumün da pajar aint illa meglioraziun generala ün import da fr. 152'272.75. Il Cussagl cumünal piglia quist' infuormaziun a cogniziun.

2. Tenor il Chantun esa uossa, davo tants ons, ura e temp da serrar giò l'amegliaziun da Sent. Però aint il proget general da l'amegliaziun d'eira previs da sanar eir la via da Plattas. Quai es l'unica via chi nun es amo realisada. Il Cussagl cumünal decida d'inoltrar la dumonda a l'Uffizi da meglioraziun per realisar amo quist ultim proget. Quel gniss sco adüna subvenziunà cun 82.7 %.

401 942.423.07 Chamonnas cumünalas
Chamonna La Latta

Il Cussagl cumünal piglia a cogniziun cha sar Johann König e sar Anton Jon Schmidt as retiran a partir da subit sco fittadins da la chamonna La Latta.

402 790.501 Proget planisaziun cumünala
Zona per indigens

Il schef da fabrica orientescha ch'el haja gnü ün discuors culs novs proprietaris da la parcella (agricola), la quala es strategicamaing importanta per pudair eriger üna zona per indigens, a Flüs. Els sun pronts da trattar cul cumün.

403 740 SUNTERI E SEPULTÜRAS
Reglamaint da sunteri

Il Cussagl cumünal piglia incunter la spiegaziun da la schefa da sanità a regard l'adattamaint dal reglamaint da sunteri in connex cull' installaziun d'üna fossa cumünaivla (Gemeinschaftsgrab). Il Cussagl cumünal fa bun quist adattamaint chi vain integrà illa ledscha in connex culla revisiun parziala dal reglamaint da sunteri.

404 860 PROVEDIMAINTE ELECTRIC
Ouvra electrica la Brancla

Ils duos cumüns da Sent e da Ramosch han l'intenziun cumünaivelmaing da trar a nüz la Brancla per prodüer forza electrica regenerabla. Per avair üna tscherta idea dal potenzial energetic da la Brancla, esa il prüm pass da masüurar d'ürant differentas stagiuns la quantità d'aua chi cuorra davo la val. In vista als sforzs dal cumün per raggiundscher il label da cità d'energia füssa salüdaivel da nüzziar il potenzial d'energia regenerabla i'l territori cumünal.

405 DIVERSAS SCHEFS
Pendicularas Motta Naluns

I vain remarchà cha las Pendicularas serran dal 2011 lur indrizz per ir culs skis fingià duos eivnas avant Pasqua (Pasqua es als 24 avrigl). Tenor il Cussagl cumünal sto quist fat gnir dat cuntshaint plü bain e quai impustüt a fittaders d'abitaziuns da vacanzas per lur planisaziun.

L'actuar: